

8. april 2014

UPA 2014/42  
Karl Kristian Kruse

**Inuit ilinnarnertuutut allamilluunniit ilinniakkamik naammassinnissimanermikkut oqaluttariarsornikkut allattariarsornikkullu tuluttoorsinnaasut qanoq meeqqat atuarfiini, piareersarfinni, sunngiffimmi ilinniartitaanerni suliffissaaleqisunulluunniit pikkorissarnerni tuluttut ilinniartitsisutut atorneqarsinnaanersut pillugu Naalakkersuisut nassuiaammik saqqummiussinissamik peqquneqarnissaannik Inatsisartut aalangiiffigisassaattut siunnersuut. Nassuiaat kingusinnerpaamik 1. august 2015 Inatsisartunut agguanneqassaaq.**

**(Inatsisartunut ilaasortaq Ruth Heilmann, Siumut)**

Siumumiik Ruth Heilmann siunnersuteqarneranut qutsavigaarput, matumuunalu Siumup gruppe-ata tamarmiusup siunnersuut tapersermagu oqaatigissallugu.

Siumup pingaartittuaannarpaa ilinniartitaaneq aammalu inuiaqatigiinni pinginnaasaqartut atorluarneqarnerunissaat.

Siumup pingaartitsinera, Atuarfitsialaap iluatsitaai nukittorsassallugit, iluatsinnerusinnaasalu nutaamik aaqqissuuteqqinneqassasut, iluatsinneqarnerusussatullu ilanngunneqarsinnaasoq Siumumiik isumaqarpugut tuluttut piginnaasaqarnerulernissaq siunissami.

Taamaattorli Siumumiik malugisinnaallugulu takusinnaalluarparput, inuiaat kalaallit amerlasoorparujussuit ilinniarluarsimasut aammalu ilinniarnertuut pigilersimagatsigit, taakkualu tulluusimaarutigalugit atorluarneqarnissaat Siumumiik kissaatigaarput piumassaralugulu inuiaqatigiit ilinniarluarsimasortavut atorluarneruneqassasut, taamaaliortoqarneratigummi takutinneqarsinnaalissamat ilinniarnissamik piumasaqartuarsimanerup killiffia aamma ajunngittorpassuarnik kinguneqarsimasoq allaallu suliffeqarfinni qullersatut inissisimasinnaasunik peqalersimanerput ersarilluarmat pisortatut tigoqqarnerunissaat kaammattuutigaarput, taakuummata inuiaqatigiit inooriaasiannik ingerlaasiannillu ilisimanninnerpaat.

Taamatullu piumasaqarnerup mianernartortaqarnera Siumumiik eqqumaffigilluaqqarput, makkunatigut kattuffik IMAK aammalu kommunit peqatigeqqissaarlugit timelærinik atuisarnermi aqqutit ullumikkornik inuiaqatigiinnut iluaqutaanerusinnaanerat oqaatsinik piginnaasallit tuluttut atorneqartarsinnaanerannut aqqutissiunneqarnissaat kaammattuutigaarput, pingaartumik inoqarfinni ilinniartitsisussaaleqiffiusuni.

Siumumiillu atuarfiup avataatigut ilinniarfigineqarsinnaasunik annertusaanermi kommunit qanimut suleqatigineqarnissaat kaammattuutigivarput, inuusuttut annertunerusumik oqaat-

sinik pingaartumillu tuluttut ilikkagaqarnerunissaannut aqutissat ullumikkut killiffiusumiik periarfissarinnerunissaannut siunniussassat pillugit atuariup avataatigut ingerlatsisarneranni kommunit peqatigeqqissaarneqarnissaat kaammattuutigaarput Naalackersuisunut.

Naggataatigut Naalackersuisut siunnersuummi siunertat pitsaasut paasilluarlugit nassui-aasiornerlu aqutigalugu tuluttut atuartitsineq pitsaanerusoq qanoq siuarsarneqarsinnaanersoq qulaajarusullugu, oqariartuuteqarnerat tigulluarparput, qilanaaraarpullu qulaajaa-reernerup kingorna siunniussat nutaamik oqaatsinik tuluttut ilinniartitsinermik alloriarfissat tikkuukkumaagassaat, siunnersuummullu ilalersuinerat Siumumiik qjassutigaarput.

Siumumiik taamatut oqaaseqarluta aappassaaneerreqartigani Ilinniartitaanermut Ataatsi-miititaliami nalilersuiffiqineqarluassasoq kaammattuutigaarput.